

# MARWNAD NEU ALARNAD

## MAB AM EI RIENI,

*Sef Isaac a Mary Jones, ger Llanwrtyd, y rhai a gladdwyd  
with Gapel y Glynos.*

*Gan Roger Jones, Llanwrtyd, Brawd arall Isaac o Dreflys  
Fris Ceiniog a Dimeri.*

- 1 Rhyw achos galaru gaf deimlo,  
Ac aml ofidio o hyd,  
Ac etto 'does dim wedi addo,  
Ond croesau tra'n rhodi'n y byd;  
Ymhlith yr amrywiol ofidiau,  
Daeth angau fe fwridd fy mron,  
Aeth ymaith a'm hanwyl rieni,  
Er canu—galarnad yw hon.
- 2 Rhyw ddeunaw cant meithion o flwyddi,  
Tri deg ac wyth hefyd at hyn,  
Oedd oedran ein Ceidwad pryd hynny,  
A'm Tad yn wynebu y glyn;  
A deunaw cant ydoedd a haner,  
A phedair pan ddeuai y dydd,  
I mam i ymdrechu ag angau,  
A myn'd o'i gofidiau yn rhydd.
- 3 Oed 'nhad pan yn myn'd trwy'r Iorrdonen,  
Oedd pumtheg a thru'gain ag un,  
Gadawodd ef ddyddiau'r addewid,  
Heb glefyd byth wrtho ynglŷn,  
Saith deg a phump hefyd o flwyddi,  
Oed mam ydoedd hyni i gyd,  
Pan hedodd ei henaid anfarwol,  
I'r byd sydd dragwyddol ei hyd.
- 4 Er bod un ar bumtheg o flwyddi,  
Rhwng mam myn'd i'w chladdu a'n had,  
'Roedd angau mor anhawdd i'w dderbyn,  
A gelyn ergydiau mewn brad,  
Er dyfod blin aml ofidiau,  
A thrymion gystuddian i'r tŷ,  
Croesawir braidd bob peth cyn angau,  
Pâr hwn wylo dagrau i mi.
- 5 Galaru sydd eithaf naturiol,  
I'r holl natur ddynol i gyd,  
Ar rhyw amgylchiadau fel hynny,  
Sef symud rhieni o'r byd,  
Er bod eu haneddau yn unig,  
Maent ddiiddig heb ofid na braw,  
Nid rhaid i'r preswylwyr ddim crynu,  
Nac ofni fod gelyn gerllaw.

- 6 'Rwi yn gweled fwy fwy 'nol eu claddu,  
 Mae ofer yw imi roi mryd,  
 Ar ddim o bob pethau a welir.  
 Cyfnewid yn brysur mae'r byd,  
 Mae dull y byd hwn yn myn'd heibio,  
 Mae felly i fod etto'n mhob oes,  
 'Does dim dal ymddiried byth ynddo.  
 Ond 'rhwn ga'dd ei hoelior ar y groes.
- 7 O am gael adnabod y cyfaill  
 Ym mhob rhyw gyfyngder a lŷn,  
 Fe gefna fy anwyl berth'nasau  
 Yn angau 'madawant bob un,  
 Fe allai mai hwy fydd y cynta'  
 Waith methu a dala yn lân,  
 A minnau yn haeddiant yr Iesu,  
 Pryd hynny a'i mentraf ym mlaen.
- 8 Er myned o Abel mab Adda,  
 Yn gyntaf trwy angau o'r byd,  
 Rhyw filoedd tra maith a'i canlynodd,  
 Hyd yma trwy'r oesoedd i gyd.  
 Ond etto mae adeg cyfarfod,  
 A'r forau'r diwrnod a fydd  
 Tylwythau y ddaeur fydd yno,  
 Fu, ddaw, a'r rhai hefyd y sydd.
- 9 Mae'r siwrneu'n dra phell-aethant iddi,  
 Am l'anwyl rieni 'r wy'n son,  
 Gobeithiaf yn wir eu bod heddyw  
 Mewn gwlad nad oes pechu na phoen,  
 Eu cyrph a osodwyd i orwedd,  
 Yn waeledd o'm golwg i mwy,  
 Ni wnant hwy ddychwelyd byth attaf,  
 Ond rhodiaf ar fyr attynt hwy.
- 10 Heb ofyn un cennad daeth angau,  
 Fe'u trawai neu bron gwnaeth eu brad.  
 I'r galon yn union 'r ergydiodd  
 Nes safodd peiriannau eu gwa'd;  
 Ffyddlondeb a welwyd yn eglur,  
 A llafur tra parodd eu taith,  
 O'r pryd dechreusant grefyddo,  
 Nes gorphen eu gyrfa a'u gwaith.
- 11 Gadawsant ni 'nol mewn mawr alar,  
 'Doedd dim gennym, bedwar o blant,  
 A phawb yn bresennol oedd yno,  
 Ond wylo a hwy'n myned bant,  
 O'r teimlad nis gallwyf ddatlunio,  
 O hyd ydyf ynddo'n barhaus,  
 Wrth feddwl eu bod wedi 'rgado,  
 Mae hyn arnaf etto fel trais.
- 12 Ond etto dymunwn i feddwl  
 Mae llywydd y cwbl yw Duw,  
 Mae 'Fe all gymmeryd pawb atto,  
 Pan mynono a'u cadw hwy'n fyw,  
 Ac hefyd dymunwn i dewi,  
 A pheidio rhyfygu yn un wedd,

Ond cofio mai buan y byddaf  
Fy hunan yn wael yn y bedd.

- 18 Rhyw gennad tra didwyll yw'r angau,  
Nid arfau na dim wna ei droi,  
Ni thycia dim moddion meddygon,  
Mae pob rhyw gysuron yn ffoi;  
Pe chwiliwn y llwybrau dramwyent,  
A'r teiau'r aneddent yn fyw,  
Nis gallaf ei ffeindio'n y rheiny,  
Eu lietty yw'r gladdfa gwir yw.
- 15 'Rym ni yma etto'n ymddifaid,  
Yn enbyd anialwch y byd,  
Fe allai fod llawer heb deithio  
Ond hwy aethant trwyddo i gyd,  
Bron methu a gweled 'rym ynddo,  
Pa fodd i ymlwybro ymlaen,  
Ac etto mae achos rhyfeddu  
'N bod heddyw tu yma i'r tan.
- 16 Rhyw lawer cydmariaeth arferir  
O fewn yr ysgrythur o hyd,  
Er dangos mor fyred yw'n dyddiau,  
A gwagder holl bethau y byd,  
A'nt heibio fel gwenol y gwehydd,  
Neu gysgod ar fynydd neu fryn,  
Neu eryr yn hedeg at ymboeth,—  
Duw'n gymmorth i feddlw am hyn.
- 17 Deisyfais un peth gan yr Arglwydd,  
A hynny a geisias o hyd,  
Sef trigo o fewn ei gynteddau,  
Nes myn'd trwy borth angau o'r byd.  
I edrych a gwel'd ei brydferthwch,  
Mae hynny i mi o fawr werth,  
A 'mofyn am dano'n ei deml,  
Fel hyn adnewyddir fy nerth.
- 18 Bu'r seintiau sydd wedi myn'd adre  
Yn trigo 'n eu dyddiau'n y 19,  
Rhaid dechreu trafaelu tra yma,  
Os awn i'r gymanfa sydd fry,  
Os garw y daith rhaid trafaelu,  
Heb byth roddi fynu'n un wedd,  
Ceir gorphwys yn llonydd 'nol hynny,  
Yn nistaw ystafell y bedd.
- 19 O nad allwn dewi fel Aaron,  
Er colli dau feibion oedd gu,  
Yn ddiau yn ddwys iddo deimlo,  
Pan ga'dd ei ergydio mor grl',  
Mae pob goruchwyliaeth yn gywir,  
Er bod yn aneglur yn awr,  
Mae niwl a chymylau'n ei chuddio,  
O olwg trigolion y llawr.
- 20 Bu Jacob yn ymdrech a'r angel,  
Mewn rhyfel ryw ddydd braidd a'i Dduw,  
Aeth Benjamin bach meddar ymaith,  
Simeon a Joseph nid yw,

Yr olwyn pryd hyn oedd heb gylchu,  
 A'r cwbl oedd iddo fe 'nghudd,  
 Daw'r troion tywyllaf i ninnau  
 Ryw forau mor oleu a'r dydd.

- 20 Ffyrdd Duw sy'n y moroedd o'r golwg,  
 Nid ydynt yn amlwg bob pryd,  
 A'i lwybrau'n y dyfroedd sydd ddyfoion,  
 Ond pob peth sydd gysson i gyd,  
 Cymhyiau a th'willwch amgylcha,  
 'Rhwn ferchyg ar wytoedd y nen,  
 Cyflawnder a barn ydyw trigfa,  
 Ei orsedd am byth byddo'n ben.
- 21 Hen elyn dynoliaeth yw'r angan,  
 Mae'n tramwy a'i gledd i bob gwlad,  
 Mae'n torri o hyd yr yndebau,  
 Rhwng plant sydd a'u mamau a'u Tad,  
 Ond er rhaid rhoi fyny i'r angan,  
 Ei faeddu ga'dd yntau cyn hyn,  
 Yn llwyr fe'i gorchfygodd yr Iesu  
 Er trengi ar Galfari fryn.
- 22 Er rhoddi'n hanwytaid i orwedd,  
 Do'nt fyny'n ddilygredd ryw ddydd,  
 Wrth floedd yr Archangel cyfodant,  
 Ni fyddant ddim hwy yn y pridd,  
 Daw'r duwiol ar ddolw ei Anwlyd  
 O'r gweryd, a'i wisg fydd yn wyn,  
 Y meirw i gyd a gyfodir,  
 A'r byw a newidir pryd i yn.
- 24 Yn gorwedd yn eu hystafelloedd,  
 Mae miloedd cyfiawnion y byd,  
 Ac er bod yn awr yno'n isel,  
 Dônt fyny'n ddirafel ryw bryd;  
 Ysgrythur a ddywed yn eglur  
 Cyfodir holl deulu y glyn,  
 Gan hynny boed i ni diddanu,  
 Ein gilydd yn gysson a hyn.
- 24 Mae'n bwysig anrhae hol i'n gredu  
 Athrawiaeth y codi a fydd,  
 Pe amgen mae'n ofer pregethu,  
 Ac ofer gweithredu ein fydd,  
 Bu'n Iesu ei hun yn ddiamau  
 Dros ennyd dan seiliau y bedd,  
 Ond cododd fel blaenfrwyth er deulu,  
 Cânt hwythau gyfodi mewn hedd.
- 25 Ffarwel fy anwlyaf rieni,  
 'Rwyf nawr yn terfynu fy nghân,  
 Ni chaf eich cymdeithas ond hynny,  
 Fel cawn wrth fy magu o'r blaen,  
 Mae'm gobaith cawn gwrrd yn fwy sanctaidd,  
 Heb lygredd tu arall i'r llen,  
 Bob dydd 'rwyf am bwysu ar Iesu,  
 'R hwn ddaeth i'm gwaredu, Amen.